

綠筠書屋詩鈔

綠筠書屋詩鈔卷八

閬縣 葉觀國 毅巷

瀛洲三集下

起乾隆庚寅
訖壬辰五月

敬承堂耆年讌會詩

會中曹君錫年百歲餘十
九人各八十餘皆上海人

春申浦畔醺春酒鶴髮厖眉二十叟賓雲按曲集衆仙

晝繡開筵禮黃耆

鄉人梧州守李
君宗衮爲置酒

座中長者年滿百九

十八十肩相後五岳真圖想在腰六尺紅藤還去手東

都七老未足數

香山詩本
作七老

洛下耆英亦何有此事特奇

古罕聞邑里傳誇喧萬口我聞

聖人布太和物不天闕人康阜上有堯舜下彭聃化日

舒舒含氣母水深由來長鱗介土沃自宜蔚花柳此老
三世閱太平各享大年得天厚松生有叢鶴有侶一一
方瞳齒間右九峰三泖恣行樂張丈殷兄白賓友有時
扶路唱康衢醉踏花陰坐連肘定知此日德星聚鞠脰
還爲

一人壽

曾孝女詩

孝女濟南人母久病風痺女奉事惟
謹一日火焚其居抱持母不肯去遂

殉母死
於火

鬱攸騰燄燔修棟避火紛紛聞夜開火中有女屹如山
抱持病母肝腸痛母也苦痺兩足枯惟女蚤晚相携扶

皇天高高照不及更遣祝融加毒荼可憐好女年十五
腕弱腰單力幾許漫思身作蟹負蛩豈知勢比羊驅虎
衆中滅火火不回外閒招女女不來毋亡存女待何用
不如隨母歸泉臺髮膚可焦骨可燬此心炯炯終難灰
漢曹娥唐饒娥千秋萬古事不磨女兮名義全嵯峨生
男則喜女悲何君不見緹縈上書肉刑免景升兒子猶
豚犬

題明妃出塞圖

結束襜褕跨錦韉長途哀怨託鵲絃按圖選色元堪笑
傾國無媒亦可憐不肯黃金求畫士故應青塚表嬋娟

當時倘寫如花貌一片冰心若爲傳

歸計

搔首向長空南征感塞鴻前程船上聲
上水歸計森搖風種黍田何在看花人不同
明朝須握粟一叩下簾翁

題人畫冊四首

門外青山舍外田桃花流水小橋邊
閒隨鶯燕尋春去恰有杖頭一陌錢

籃輿欸段兩無須柳栗隨身偶自扶
欲向坡陀誇脚力回頭已失小奚奴

麒麟圖畫待何年句漏丹砂也狂然
明月當頭杯在手

人生只合似青蓮

淮南雞犬向雲間
磧上龍駒老未還
誰似穩眠芳草軟
烏犍偏得一生閒

卽事三首

旱勢尙如此農情近若何
崎嶇泉脈遠堀堞暑風多
漚聲船網猶早移秧候欲過
桑林申禱切旦夕得滂沱
聞道畿南縣飛蝗蔽野過
災成煩撲滅孽起本么麼
先慮

堯咨及

春仲卽有畿州縣留心

諭旨令近察看蝗蝻

分番使節多令嚴期乘

畀未可損嘉禾

一雨翻成滂連宵復浹晨雲垂時到地泥重欲埋輪米
價逢人問園蔬入市珍近傳河澌溢雁戶或含鱗

覺羅烈婦詩

同年易州牧李君文耀繼室州牧于役未歸前妻弟陳三者竊氏獨

處中夜犯之氏持刀刺陳立斃羞憤莫釋得閉自經死有詔旌之

玉因石錯辨瑕瑜濁水難將雪井汚緦首終期從介雉

堪胸先已殪綏狐如生貌在蓮經火

事具行狀中

不朽名存

筆用朱

天語輝煌書綽楔巋然青塚照平蕪

月波樓新居

在武宣門外梁家園

年年徙宅避鴛譁幽曠欣依古水涯巷僻路仍隣菜市
園荒人尙說梁家高樓迴照東南日曲徑閒栽紅白花

觴詠當時傳盛事煙波千頃泛雲樵

王漁洋宋荔裳諸先輩皆有泛舟梁

家園詩

嘲白鵝

舊得閒名五客中金鑾題目荷詩翁如今卻被羣鴉笑

白盡頭毛未出籠

梅聖俞送白鵝與歐陽公詩金鑾人物世無雙

讀南唐書八首

功業成來髩已絲半生心事鏡中知齊邱枉負中興佐

畫盡爐灰見事遲

燈籠踈萬履編蒲杉木雖多戰艦須一事英雄忝不透

金丹空煉紫泥爐

龍舟南下意匆匆青峭遙峰羨皖公從此金陵勞北望
長教堂上障屏風

卸了山龍着水田團蒲長禮命燈前可憐累卵圍城裏
祇望楞嚴法力全

紅萸氣烈菊香豪每對秋光把翠醪一自鴿原迷望眼

空垂雙淚却登高

茱房氣烈菊蕊香豪後
主御登高文中語也

附鳳攀龍盡起家建牙吹角萬人誇巡官不識升沉事

尙問當年馬押衙

黃沙如霧失忠臣

劉仁

政事堂中碧血新

陳喬

五鬼紛紛

堪齒冷南唐人物數劉陳

一池春水馮延巳數闋清歌徐楚金獨有翩翩老書記
躡門簷笠舊臣心

辛卯元日 賜宴 太和殿恭紀二首

衣冠萬國曉朝元晃蕩鈞天廣樂宣淑氣乍回飄綵仗
祥雲高舉拱金根筵開玳瑁依臚陛人醉醺醺陋獸樽
況喜

璇闈稱慶近壽星輝燦麗珠垣

是年恭慶
聖母皇太后八十萬壽

黃羊桐馬出天厨翠釜銀罍品物殊日月升恆歌繼雅

雲天飲食象爲需六花獻瑞沾裾袖

是日
微雪萬舞成行應

瑟竿近 御上公齊鞠厯小臣何幸與鳬趨

春日鎮國將軍嵩山主人招飲周少廷尉立厓

卽席賦詩次韻奉和

汝陽能愛客春館盛招攜酒看黃封坼詩將絲筆題時

清閒此撥心淨印閑黎

主人喜談佛乘

醉矣催歸騎銜峰日已

西

無題戲效李義山併次其韻四首

縹緲陽臺夢裏蹤幾回魂斷麗譙鐘縷衣巧製三銖稱

香幄寒熏百和濃貼地風流金茵苔傾城顏色繡芙蓉

無因得倩銜巾鳥一道紅牆抵萬重

簾幙重重隔軟風王昌空自住牆東千絲翠網曾教織

九曲珠心不易通
唾袖分明成紺碧
淚巾點滴是猩紅
也知燕羽差池後
鸞鏡長拋首似蓬

瓊扉敞處玉蟾來
香撥閒調小忽雷
口爲石磬常不語
腸如江水最多迴
畫成應妒崔徽貌
賦出都誇蔡琰才
賴是卷施能不死
未因磨折便心灰

阿母前頭欲語難
蘭膏銷盡曉星殘
髻雲乍卸香猶濕
眉黛初成筆未乾
鶴使每愁芳訊誤
鳩媒深恐舊盟寒
依稀記得朱書字
醒拂笙篴不忍看

次韻訓陳西曹純浹庭學時西曹副余典雲南
試

舊忝滇池使承

恩復此行十年思影事萬里喜連旌市駿
朝家意登
龍士子情孔璋河朔彥端不愧氷衡

奉 命典試滇南道中雜咏二十首

蹀躞驅輕傳透遲宿近郊城南韋杜大京輔趙燕交陌
曉牛趨壟林昏鳥占巢征途饒野趣小憩愛塘坳

昨夜黃村雨徐河水乍肥似人堤柳臥如馬塞雲飛戍

堡憑孤眺僧寮許暫依太行青不斷千里送塵韞

定興縣水

古范陽黃村地
徐河在清苑縣

曉上天寧閣高臨鼓子墟青浮秦樹暗白捲楚雲徐跋

扈唐藩久崎嶇漢業初蕪蒔亭外路波浪渺愁予

真定府春

秋鼓國地天寧閣在府治東

淦水添新綠叢臺失舊基累生因魯酒事急賴如姬蚤

悟浮生夢長憐學步癡平原能愛士何止重當時

邯鄲縣有

呂翁祠學步橋

懷古重嗟咨蕩陰日暮時月生少保廟苔暗侍中祠水

滿蛙聲暢泥深馬步遲蘇門煙靄外攀接若爲期

每涉中州地偏逢殢雨天鳥啼泥滑滑魚戲葉田田野

寺層嵐裏人家積水邊向來騎馬處今日卻乘船

行行及匝月遠道更炎天草閣晨無露原焦午有煙披

襟投茂樹濡吻掬清泉因見擔簦者低顏一洒然
蓐食催排馬微涼生曉堤地隨江勢轉天帶楚山低鞭
影林梢月村聲屋角鷄南陽多古蹟是處有詩題

襄陽楚門戶形勢冠南州重鎮多名德騷壇有雋流江
山經百戰林壑自千秋耆舊遺編在高蹤動溯游

羯羊孤障迴白馬急湍迴徑仄山徐合村通地忽開迷

津長寂寞古洞任疑猜倘有秦人在時清好出來

羯羊塘白

馬渡皆在桃源縣

荒驛五谿濱崩崖與亂榛穿厨烏攫肉隔箐虎窺人盤
瓠遺風舊文淵往烈新稍嫌儒雅短如對葛天民

借栖依古廨小臥憩勞鞍嵐重遲朝日山深作去聲夜寒

分頭忙驛吏銜尾過高官因念荷鉏叟微呼若爲寬

一徑蒙龍外辰沅古路遙山連大小酉戶雜黑紅苗與
鳥爭殘照隨螢度斷橋惜騰見邨火昇夢下嶠嶢

登山復臨水風景喜雙清樹杪交帆影巖中答櫓聲面
湍江郭小架壑篾樓輕也合乘舟客擡頭眎使旌

十里八九折一村三五家山多易雲雨水迅乏魚鰕羹
煮雞縱脆花簪龍爪斜時逢歸峒客恰及宿林鴉

何年五丁斧關路闢巔峴孤戍雲頭住層城井底看羅

施門戶遼犵狁循難天險須防護承平慶父安鎮遠府文

絳筠書屋詩鈔

卷八

八

德關
險甚

雲物新秋爽關山舊日來共傳諸葛洞誰是李冰才巖

喜飛雲怪瀑疑素練開龍場遺範近仰止首重回諸葛洞在

施秉縣巡撫周人驥鑿之迄
無成功飛雲巖在黃平州

木瓜原瘠土金筑木蠻區馬日米塩集龍家鬟髻殊送

行惟鸛雀爭路有狼軀此去青天上還應叱馭驅元置木瓜

長官司今
屬貴陽府

登麓星初落下山日已昏穿雲人影小近極石峰尊邪

許聲何苦虺隤馬亦煩阿都與花貢來往總銷魂阿都驛

花貢塘皆在安南縣
崇山接天峻嶒特甚

忝是三年使重爲萬里遊碧鷄仍照眼白雪已生頭細

雨苴蘭暮踈楓萊海秋當時同輩盡驚下愧轅軻苴蘭故城

莊踰所築在雲南省城北又省城西北隅有地名萊海學使署在焉

贈張編修惕菴甄陶二首時編修爲貴山書院

山長

季鷹投効後蹤跡久飄零瓠大竟難用箕揚獨有靈羈

留因講學開濟在治經預遣芻尼報相逢眼定青編修在貴

山掌教近七年巡撫又奏留之嘗著有正學堂五經通解

見說衮師好側聞通德賢如何長作客可計老歸田風

雅吾師是酸鹹我嗜偏相期事蒐輯耆舊有詩篇余欲選輯

國朝閩
中詩

次韻和陳西曹見寄時余自鎮遠登舟西曹陸

行

湖壖猶未凍秋蠅雨勢連綿水勢增跋馬衝泥君獨壯

乘舟破浪我偏能嶽峯翠嶂仙人宅

辰谿瀕江有仙人房

明滅烏

篷估客燈自笑土牛多滯鈍何如騾褭踏峻嶒

聞西曹已先余

兩程

有疑余與西曹驛程睽異爲不相能者適得來

詩次韻奉答併以解惑

蜚蜚相依比輔車芝蘭衿契保終初先鞭偶着吾非躁

後起居前子未疎歲月飛騰同過鳥江湖浩蕩自忘魚
市中有虎鴻爲鴻太息人言是子虛

再次蠅字韻寄西曹

散帙仍同鑽紙蠅孤舟兀坐趣偏增清酣一枕呼難覺
軟飽三杯老尙能涼雨瀟瀟和夜柝澄波漾漾閃秋燈
此行蹭蹬非無得穩臥篷牕看翠嶒

月夜放棹白界亭驛抵桃源縣再次車字韻寄西曹

一抹殘霞餞日車數聲清角閉城初月明水石痕全現
霜落林塘影乍疎寒夜輞川聞吠豹扁舟赤壁對鱸魚

此時風味無多別祇少同遊好景虛

仙人房

并引

距辰溪縣東南六十里許瀕江皆石厓壁立高數十仞上薄霄漢下浸漣漪厓之半往往闕然爲洞仰望莫測深淺洞口多有巨木縱橫撐架高下作三四層度以板片如人閉樓閣者然又有欄楯長梯木匱髹箱艇子之類如是者五六所土人稱爲仙人房其地皆斗懸水面非人跡所能到器物俱列置洞外莫審其始自何世而曾不朽敗墜落噫亦異矣哉昔昌黎疑桃源之說爲荒唐此地去武

陵不遠而所見之異有若此者然則安知桃花源
不信有其處耶

圖經紀異稱辰山大小二酉峰廻環琅函金簡世莫覩
但見石壁青巒顏頂摩蒼穹喻沆瀣根蟠翠浪鳴潺湲
雲斤月斧天削就堵牆千仞形堅頑呀然壁閒開洞府
蒼崖作牖雲爲關嶽歆複閣相撐拄詰曲廻欄通往還
陞者爲梯橫者艇中有秘笈文朱殷風吹雨淋兼日炙
不壞不實亦不黜其上無階下無磴鳥巢不到猿愁攀
誰與狡獪作伎倆毋乃仙乎非人閒我欲鞭鸞排紫霧
騰身上狴扣戶鑲安期羨門在何許侍晨告余以不開

揚舲惆悵舍之去回頭煙水迷空灣乃知神仙在人境
拍肩挹袖緣徒慳洞中雞犬自鳴吠桃源何必非塵寰
韓公詩語雖云正淵明記在朱可刪

題李咸豐上舍叢竹圖小像

我性苦愛竹書齋署綠筠

余家小齋名綠筠書屋

乞得東鄰栽種

向北牖親再期根葉遂一一翠陰新坐我碧紗窓岸此
鳥角巾都忘五月暑况識六街塵自從辭故園條度四
歲春時時入我夢平安報莫申披圖忽振觸喜如逢故
人森森憂寒玉冉冉濯露銀中有澹蕩士汲古卷帙陳
期君加灌溉無嫌剪剔頻實成來綵鳳幹老澹秋旻規

爲松栝朋儲作東南珍賞音邀一顧價與柯亭均

贈墨客吳舜華

舜華以孝行稱於時

松滋出後代名者李與張印以盤龍紋韜之赤豹囊用
侶硯筆紙紵縵成文章苟非忠孝言月露徒煒煌豈惟
剡藤灾兼恐徠松殃吳生有至性孝行同壽昌閒關歸
父骨甘旨供母粳生涯亦何有仰此烏玉良公卿爭買
致粗足資行裝白華美孝子潔養意何長頓令數鋌材
勝彼千璆璜珪遇固名重技也安足當

壬辰禮闈分校次聚奎堂壁閒韻二首

棘院重重鎖閉深清嚴咫尺帝天臨十行制下銀爲

檢三月花繁錦作林矮屋半閒風悄悄明燈萬點夜沈
沈回思席帽身如昨敢忘當年獻玉心

試牘堆如束荀森殷勤批點趁分陰駿因樂顧空燕市

材爲般求出鄧林精敏共誇宗匠識總裁爲相國武進劉公少司馬覺羅

奉公閣學栽培羣荷特齋汪公

聖人心

欽命詩題賦得
匠成翹秀

自嗤未洗寒酸習把卷時爲擁

鼻吟

再次前韻二首

街鼓鼕鼕夜向深空庭如水月華臨極知蠟陣馳文鞅
誰是蠶叢闢藝林珠礫已看從揀擇魚龍猶自鬪浮沉

無端識得焦桐價始信中郎苦用心

秋闈曾對樹蕭森

壬午鄉試余忝與分校逾今已十稔矣

回首潛驚過隙

陰科第忝稱前進士頭銜聊數老詞林朦朧自怪生花
眼落寞俱知古井心賴有廿年同榜侶夜闌燒燭共聯

吟

同年湯學士先甲王侍御紱咸與

請假歸里留別都下諸同好四首

乞歸非敢爲鱸魚有母衰齡遠倚閭萬里鄉園違祿養
廿年簪組廢耕鋤宿春辛苦春逾夏壓載輪囷硯共書
見說潞河船舫少遲留猶自傍金除

春明再入直銅樓小草重承雨露優鈍似土牛仍累調

使臨金馬續前遊魯陽漫意同三舍平子無端起四愁
從此栖遲向林壑高寒時復念瀛洲

碎步駑駘不任韉何如閒齧故山薇莊周平日從呼馬
禦寇歸來解食豨負米尙堪供夕膳研經還欲趁斜暉
殷勤爲乞秋風便十幅蒲帆去似飛

廿載承明出入頻椎排身已忝陳人共知空洞胃無物
似許癡頑意近真酒伴扳嵇兼締呂吟壇短李與迂辛
憑君問我合并日指似行雲谷口新

將去京國寄家振弟山左

來時竝舸宿江灘花縣蓬山各服官東望每嗟荆影隔

南歸彌覺雁行單
潔羞馨膳供吾職
茹蘗懷冰豈汝難
寄語一心期許國
莫頻瞻祀勉加餐
時弟亦欲乞終養

次韻酬徐編修西灣天柱

徐陵聲譽最清芬
兩版叢書掃俗氛
詩句流傳還到我
賦才麗則久推君
移床相對如披霧
解組言旋爲望雲
他日重來東觀裏
定知軒鶴已超羣

古別離曲

笑粲難重題粧梳
何用好昔爲稱意
花今作離腸

綠筠書屋詩鈔卷九

閩縣

循陔集

上起乾隆壬辰六月盡癸巳一年

歸途卽事詠懷一百韻

懷歸尋蟹舍請急別花驪戀闕情難免倚閭望久懸
勾留看暑退摒擋自春前月駕臨三五雲程計七千舟
租青雀舫馱捲紫駝羶漸望觚稜隔深愁鰈鯢顛祖無
疏廣帳贈有繞朝鞭坎坎開帆鼓遲遲上水船仍鋪平
處案重展蠹餘編沽市沮洳滙津門渤澥連同心欣避
逅共事記纏綿是年同張侍御二聞敦鈞分校野眺時
禮關侍御亦以是時歸姑蘇

綠筠書屋詩鈔

卷九

推艦高吟每扣舷碧沽滄酒釀紅斫淀魚鮮堤趁長渠

曲村依古驛偏遠郊成莽蒼重鎮乍喧闐黃犬書曾附

青猿至已先

觀海弟宰長山遣僕至德州候迎

徒縈春草夢長憶夜牀

聯置驛當時在開樽北海賢

汪觀察芝厓所駐節德州通謁留飲

徵歌調

玉管罷醉踏花騶汶水流如線蜀湖浪接大渡黃驚瀕

洞出問歎迴邇極目長洪外振懷宿預邊魏城先下世

樂令久歸田

外舅孫華中先生家宿遷入問起居時孫宜人已謝世

甲第摧鴛瓦

長牀布馬韉低眉相悵快揮手各悲悄重叩韓侯廟言

尋漂母阡弓藏何草草金報亦茈茈社秋方半雷塘

月正圓吹簫憶眉黛騎鶴媿腰纏安定書齋古元卿講

席專

蔣編修心餘士銓爲安定書院山長

袖歸視草手閒鐙作詩肩陶母

能留客楊童蚤與元才應論一石祥或兆三鱣去去瓜

州鎮冥冥京口煙蒼茫愁衛玠仰感彭宣

壬戌春余延試北上

從學使北埜于公至京口居月餘極遊覽之樂今梁木已壞不勝師門之感

尙記登龍日尋

思立雪年陸雲初赴洛郭隗欲遊燕提挈隨蘭櫂居停

托蕙楊同人皆矯矯羣從總翩翩閒話南徐勝齊攀北

固巔射堂呼酒伴海嶽訪書禪石詫眠羊狼銘按瘞鶴

鐫閃金江湧月浮玉寺臨淵豈意門牆隔遙嗟館舍捐

西州雙淚遊東第再來遷陽羨田難買慧山泉可煎鷗

陂吳郡勝霍市古時壓臺已傾遊鹿涇還問採蓮屨廊

喧露蟀香徑咽風蟬岳牧敦盤舊逢迎栢舛傳三巡才

浹洽二監忽拘攣

胡按察雲坡李堂招飲席閒忽得瘧疾

怕冷爐常擁防

風幔懶塞支硯尋友誤林屋約遊愆枉辱雙旌顧長憑

一榻眠移舟過虎阜伏枕聽鷓鴣絃霸氣看銷矣元風亦

邈焉曉帆經震澤晚棹泝由拳重面看花侶新兼執法

權

同年徐芳圃忽以
鹽法道兼臬司事

招邀攜酒榼傾倒誦詩篇俎薦團

臍蟹盤登縮項鰱親分諸葛筆從乞右軍箋湖上停紗

舫城西坐竹筴浮青環岸峩淺碧泛漪漣甜美金沙井

清冷六一泉高蹤懷處士遺蹟憶坡仙寶地聞修磬歸

橈見翠鈿未窮三竺勝聊續六橋緣野館幽容借江湖

靜可沿嚴陵開錦繡澌水蔚蘭荃峭壁投驚馳空林嘯
餓鸛溪山窮越角星斗入閩躔北望京畿遠南來日月
遡旅懷從可減幽思若爲蠲自念荻蘆賤深慙枵櫟全
束身趨學校結髮事丹鉛砥節師黃憲治經慕服虔燈
黠還繫壁衣冷未裝綿共笑堅如瓠誰憐直似弦南宮
叨入選秘館忝充員藝圃勞芟藟文場縱獵豸鳴珂趨
望苑橐筆近經筵銜命持衡數蒙恩兩任學懷
政四典試事
恩奉職乾羣曾空驟驥貢必致枘梗山僧隣啖春江
有站爲莊應誇陸贄槎不羨張翥循省沾優渥思量効
滴涓鉛刀難許割魯縞未容穿修史毫頻腐抄書袖屢

揜懶疎求鳥網迂守得魚筌蒲柳姿非昨煙霞癖本堅
海鷗從浩蕩櫂馬謝羈牽放溜拏長艇逢灘撇怒漩險
同投虎口深或吐龍涎未數零丁水難誇灩澦川崎嶇
良可駭幽僻亦堪憐傍巘園千稜臨流屋數椽松篁寧
問主魚蜺不論錢雙塢瞻雲際三橋直海壖雙塔三橋蓋福州之勝
道途饒險阻兒女幸安便白髮高堂上迎門定驟然

書局卽事四首

乾隆壬辰有旨求天下遺書各直省設局蒐輯恭進

昇平盛事古難逢籤軸新增四庫供典學已聞徵傳說

乾隆初元舉博學宏詞

詔求書還見詔陳農茂陵乍喜遺文出石

室難將積卷封

見水經注共覩榮光騰壁府一時懽舞屬章

縫

廿載西清老校書招邀入局効三餘琅函堆疊牀連屋
緗帙縱橫獺祭魚天祿藜光分照耀羽陵靈粉待吹噓
定知芸閣匡劉輩橐筆朝朝上石渠

抄書妙選重唐時

唐貞觀中購天下書選五品以上子孫繕寫

蕞尾蠅頭細

似絲適館官厨傳白粲展窓晴旭拂烏皮研磨石黛濃
雲態裁截溪藤凍雪姿可信爲山成一簣細藥縹緗漸
纍纍

無力何由致五車坐看珠貝列貧家應嗤白首耽黃姝
不惜青燈晃黑花珍重有時逢拱壁紛拏何止數恆沙

紺珠一粒憑誰乞好向人前記事誇

耳鳴

中乾外益彊燄漲火將熄目昏乃見花腸飢還夢食由
來清淨地滋擾實伐德嗟余有兩耳司聽是其職胡爲
不自靖啾啾鳴弗息鬧若哀蟬吟細作暗蛩唧又如煮
活水餅筍響坐側幽幽磬戛空漉漉溜趨洳以彼萬竅
喧聒此堯元國母乃腎氣虧心膈爽其則或云作勞久
天柱受熒惑二者皆不免性斧來六賊分無三耳生行
恐兩豆塞會嘗斷聲聞內捷但守黑

奉題巡撫寶岡余公品古圖小像長卷

岐陽獵碣卧秋草陳倉野叟不知寶隱侯身負天下名
古器犧尊未深考夏縣禹甄母乃謬鳳翔銅盤誰所造
秦權漢料了莫辨長睿尙功應絕倒鄭公柏寢對獨詳
潞國歛新世猶保由來通人能博古豈爲玩物虛害道
我公淹雅近罕儔博聞遼父知名早審定篆書探韻籀
等第古圖泝殷鎬閒收鐘鼎互羅列時爲摩挲遣懷抱
世人信耳不信目贗鼎紛紛摺富媼山文葉文差髣髴
雲回雷回漫妍好紫褐誰嫌氣濁腥硃斑還忌色枯燥
公也鑒別到毫芒如較淄澠判蒼縞而我謏陋故無匹
尙記西清校梨棗

御刻西清古鑑皆繪大內所儲
古器余爲編修時直泮殿得與校

訂之

天家法物重球刀考訂源流挾鴻藻辛尊癸卣附
鑿流白琥赤璋加藉縑自哂見圖未見器有似餓夫說
秔稻會當從公問奇字趨趨親輒細按討

贈盧霽漁遂孝廉

渭南老詞伯平生萬首詩太白謫仙人百篇信筆爲想
其搖毫風雨快煙雲滿紙傾險巖豈似寒齋聳肩客吟
成幾字落莖髭盧君天才優且敏十齡能賦秋聲辭士
龍入洛正年少羣公倒屣相嗟咨鷗鵬一擊偶垂翅買
舟通潞循河湄往還燕齊暨吳越去衝凍雪歸炎曦他
人困頓多閔默君獨嘯傲忘劬疲懷人詠古兼卽景千

五百首新詩奇

孝廉以公車南歸雜詠二集見示共得古今體詩一千五百餘首定知

篇成如潑水駕天高浪臨秋颶共訝金盤堆火齊詎嘲
螻蟻雜蛟螭眼前所得已如此盈箱充棟看他時嗟余
老朽百無用猶耽吟興時憂吟才微膽弱不輕作有作
往往愁鈍遲卽今歸程涉萬里曾無壯句供遨嬉安得
借君銅丸飛彈手一寫道中風物襟懷披

有感示何素華

西泰孝廉同年故少

介壽筵開歲籥新

少宰太夫人正月初度

華堂依舊集朋賓可堪

截髮存陶母不見稱觴有伯仁西第未經生信宿北邙

待築塚嶙峋黑頭黃土成泡電何況衰遲半百人

壽巡撫余公七十初度四首

威鳳聲光矯鶴姿
天培耆德輔清時
漢廷公望尊經術
周室元臣重保釐
節制東南貔虎肅
均調陽雨黍禾滋
邦人共慶生申日
翹首台輝祝壽眉

中外廻翔踐上台
衮衣銜命戟門開
敬刊久奏蘇公

績爲憲同推吉甫
才屢涉鯨波橫海
過曾按虎穴洗兵

同公自臺灣守歷
監司往還八渡
重洋嘗擒臺寇黃
教等置之法德星
長喜臨牛女霞

嶺汕幢幾往來

重如山岳凜於冰
腰玉簪犀布素仍
清獻衷懷天可表
忠宣道誼世相承
千閒廣廈春風遍
一榻清香朗月升

見說衙齋公事了披函還對短檠燈

長生極貴例相兼絳闕雲臺地位嚴餐玉舊傳丹竈訣
公精岐黃之學駐顏常作紫芝瞻齊眉案在鄉褕服舞絲衣新
拂畫簾忝逐村謳來獻頌年年記取海籌添

湧泉通長老貽牡丹賦謝三首

一枝拗露自僧房紅粉爲肌綠作裳端好真看菩薩面

故應芍藥讓爲王

唐人詩芍藥花開菩薩面

鹿苑偏宜鹿韭春曼陀優鉢不爲珍阿師正有拈花手
故散天花與世人

十分穠豔冠春叢惆悵將殘褪粉紅會得禪心成一笑

開元非色落非空

逾旬又貽白牡丹一朵

只言姚魏領芳春
琢雪鏤冰態更新
號國淡粧初下馬
錦幃應避衛夫人

無田二首

無田孟浪亦言歸
况值鄉園歲洊饑
剗肉醫瘡謀竟拙
撐腸煮字計元非
天邊雁影新緘少
門外車塵舊雨稀
莫便摧藏愁髣髴
一壺吾且典春衣

闌風伏雨坐連旬
入戶浮堦野水新
白醪上衣頻燎火
青禾生耳更愁人
牽蘿補屋移穿榻
數米爲炊爨濕薪

記否年時春俸下
盎盆高貯太倉陳

讀明史二首

巫臣首導吳
楚國疲奔命
循律鬪兩主
邊事紛莫竟
由來殘賊子
反噬滅天性
君看正嘉中
板升爲國病
邱富與趙全
逋逃事窺偵
教猱謀益狡
噬犬勢逾橫
遂使中國人
萬骨填坑阱
區區肉食謀
奸人竊相慶
天道果好還
罪貫案必迸
那吉旣北來
此輩釜魚泳
駢首戮鯨鯢
快心殪梟獍
邊吏寄藩籬
關繻古爲令

倭奴本桀黠
猖獗自明季
禍生固有胎
啓之由墨吏
駭大編橫朝
發夕焉至沃
嬰看號哭剖
孕作嬉戲
師出

輒與尸兵麾帳誰寄桓桓襄愍公行軍勇且智王江功
第一賊膽已落墜未錄上將勲先中讒人忌至今讀往
史欲洒千秋淚宗憲事權宜行閒俾自貳雖短撻伐威
竊幸渠酋致淞東患少息轉徙窺閩地向微戚與俞桑
梓罕譙類由來家國謀要窺孫子利以彼習暴貪何足
貴琛贊絕之勿與通

廟謨炯萬嗣

題无悶堂詩集後

飄泊東西南北人粵黔吳楚又燕秦貧如杜叟歌同谷
詩與蘇髯作後身藝苑已荒徐謝軌

徐惟和兄弟謝在杭

題襟猶

及應劉賓

與朱竹垞顧俠君
諸名輩相唱和

崎嶇叫絕標名曰雙髻蕭

蕭半似銀

寄徐鹽臺芳圃恕同年二首

師川才調許誰倫更聽徐兢政譽新
兩紀官資兼內外一時知遇見

君臣棠枝布蔭南天潤暑路飛霜

用張融海賦語

海國春見說

清香凝燕寢左司吟賞擘箋頻

歸艎往歲過臨安話舊欣陪浹日歡
白飯青芻煩地主紅蓮碧沼傍吟壇
垂魚君正誇年盛負米吾方覺路難
賴是鄰封情不隔郵筒容易達江干

自題讀書秋樹根圖小像四首

少時懶惰誤三餘奔走東西老更疎漫說讀書應汗下
何曾讀得幾年書

慧業由來有夙因十行一目始通神饒君辛苦丹黃意
袁豹前頭解笑人

撈菰待賭梟盧手煮字難充菟藟腸不識讀書成底用
可憐臧穀等亡羊

未妨我法殊卿法

前輩詩讀書
我用我法

已是長閒勝暫閒遮眼

文書元不讀祇應拄頰看秋山

春日同人遊湧泉寺卽景有作并贈遍照長老

二首

廿年不踏石鰲梁

靈源洞有鰲橋

杖屨重來禮竺皇
夾磴松

杉穿薈蔚抱江城市落蒼茫
忘歸坐久雲生袂

忘歸石在靈源

洞淨業談深月滿牀

淨業堂在東廂

卻憶舊遊成影事
追尋嵇

呂感山陽

乾隆戊辰春偕莘田黃丈李霖邨鄭光謨諸君來遊距今二十稔諸君皆已生刼天矣

龍象威名溯國師
迢迢宗嗣一燈垂
元風此日尊從諗

古德他年記大瀉
松蓋成陰經手種
鹿園重關遂心期

又叅背觸拳頭義
慙愧當機轉語遲

宿湧泉寺次魏岱巘

騰龍

郎中韻四首

瓶鉢香燈事事幽
粥魚聲罷晚悠悠
歸雲入洞窓前落

暗水通厨榻下流

蒲龕一枕有餘清
起越經堂放梵聲
欲攬江天無量景

水雲亭上最分明

水雲亭在靈源洞左

金烏翥海曉星殘
擬上尖峯瞰紫瀾
濟勝具疎還却步

名山只作

去聲五分看寺正在山腰

不求入社不忝禪
爲赴招邀到佛天
記取後遊新歲月

吟箋留續舊詩篇

題高萬林處士自寫小像

詩句達夫才不忝
丹青曹霸筆能親
興來自寫昂藏影

勝貌尋常行路人

奉題巡撫余公渡海圖小像

荷蘭遺築環重溟乾坤東港閩障屏巖疆久經歸版籍
番俗猶待鑄頑冥宣承師帥藉良吏畫幡更代如流星
公今建牙來開府維昔分竹曾揚舲翁翁治行冠郡國
蕭育耆德聞 殿廷是時西南風正便檣烏高轉鳴旗
鈴開帆乍離白鷺島捩舵已失金雞亭中流所見更空
濶上下天水同蒼青夜明仰眠星斗大波靜氣禁魚龍
腥須臾赤嵌落眼底番童社叟迎箬篴三年報最理歸
艦安渡如躡雲鵬翎王尊叱馭古稱壯諸葛渡瀘躬不
寧乘槎博望語涉誕破浪元幹言空聆豈若公游號奇

絕八回蹴踏蛟螭局公自題臺海凱旋圖有胷吞雲夢
真一芥事傳粉繪誇千齡猶記年前縛鼠寇雞籠鹿耳
身重經

題李瑤圃瑛州牧讀書圖小像

漢世任循良經術飾吏事春秋可斷獄論語用佐治入
官不學古民社稷所寄君家本鄴侯萬卷堆箱笥荔裳
古君子才比翁歸備尊人保定守荔裳余拔貢同年頌聲滿河朔循譽

達丹地君也實象賢青箱舊業嗣佩符牧嶺右尹鐸
少習吏一朝奉諱歸三載守廬次古言喪廢業豈云佔
畢忌讀禮兼讀書於義無謬刺杜門事蒐討嘗鑿更嘯

截阿連亦穎秀侍側訊文義心期曩昔親意與書生異
自從世好殊仕學判爲二努頭紉被溫牆角短檠檠漸
嫌對子墨自足識丁字如君信可人展畫戡深意

喜朱郡丞幼芝

景英

歸自臺灣二首

十年邠雨遍甌閩海外歸來及好春舟過七鯤鯨浪濶

輻隨雙鹿鶴書新

時以秩滿回內地候陞

檣轅走送連番社夾道

歡迎舊部民莫訝使君蕭瑟甚數肩書簾尙輪囷

江舸分風會面慳高軒惠顧一開顏集成海外文逾好

詩擬春陵句自刪眠食情敦京國舊

詢及劉司業亨地劉編修校之近狀

見聞書討宋元閒

時余總校書局都承因述所見吾閩流傳各種舊書

文章太守

今誰似六一風流可接攀

題余主事松山

延良荷淨納涼圖小像

驕陽困蒸溽白汗如翻漿安得招涼珠
懶移局脚牀不如辭襪襪獨坐水一方
況有藕花繁翠蓋圍紅妝一挹淪漣
清頓生肺腑涼爲誦杜陵句意味悠且
長君本貴公子態度殊膏粱條條冰雪
胷粲粲錦繡腸偶爲逃暑計企脚清泠
旁韻有書與琴幽有茗與香遙颺一以
度荷氣揚其芳定知高興發點筆舒麥
光鄉心迫鑑曲秋思橫瀟湘應嗤丈八
溝但醉紅裙觴

鄒郡伯寶松應元同年自臺灣來福州相見之

下喜而有賦卽送其赴闕二首

曲江宴罷各分襟
海上欣逢玉加臨
五袴風聲當滿耳
廿年乖濶一輪心
翁歸文武才兼備
元結慈仁念獨深
此去便同宣室召
待陳民隱莫沈吟

見說雙旌到木岡
探丸鼠輩正跳梁
臺匪黃攷等
嘯聚屠掠短衣

度箭撿窮寇
賣劍歸農化
互鄉髡髮經勞絲
蚤白除書重捧紙
仍黃臨岐特爲邦人祝
再乞文翁領海疆

採菊圖爲姜明經筵堂宸熙賦

涼吹拂修林
庭綠紛已歇
燭燭短籬隈
黃華燦成列
此花稱隱逸
氣澹品孤潔
曾無適俗韻
但有淩霜節
自非

柴桑翁誰能勤採擷

盆魚

瓦盆何局促
唼喋聚寒魚
卧劍形猶困
疑鉤意漸舒
尾頰勞念汝
腮曝弱憐渠
已失江湖樂
聊同沼沚居
鯉魴辭澤侶
縉餌謝村漁
撥刺興波隘
延緣鼓鬣徐
潯淵情未減
跋扈興全除
曳尾泥龜似
垂頭圈虎如
幸知飼大免
終分化龍虛
有泣應成曲
無心爲致書
風雲嗟已隔
鼃黿笑相於
井谷差勝否
濠梁豈忘諸
畏人常戢伏
作隊自吹噓
升斗容長借
沾濡不願餘

綠筠書屋詩鈔卷十

閩縣 葉觀國 毅庵

循陔集下

起乾隆甲午
盡乙未十月

榕城雜詠一百首 有序

昔高太史青邱嘗作姑蘇雜詠一百首 國初朱
竹垞檢討亦有鴛鴦湖櫂歌百首皆因屏居無事
叙述其鄉故蹟風物形諸吟咏余自壬辰請急里
居多暇又時有修輯邑志之役搜撫舊聞偶有所
感輒寫以短章不依倫次積成截句一百首題曰
榕城雜詠不敢上擬二公亦聊以綴緝軼事自備

遺忘云爾

泉山側畔漢時都舊蹟依微指綠蕪一自歐基遷插後

如鸞重看景純圖

治山一名泉山見前漢書遷插歐基如鸞似鳳皆郭璞遷城銘中語

一旅曾傳汗馬勞千年遺廟在江臯入關豪傑知多少

逐鹿羣中識漢高

閩越王無諸廟在釣龍臺西

歐冶名成去不還亭前古水伴雲閒純鉤神物誰能見

時有池邊舊劍環

治山下有歐冶池宋郡守程師孟建歐冶亭其側唐元和中僧惟幹落池

得銅刀劍環數

校送藏武庫

碧光亭枕大江隈新市隄曾綺宴開夜半潮生明月上

濤聲先到越王臺

碧光亭宋時建新市隄閩王審知餞翁承贊處皆在釣龍臺側

陳述雲烟振眼過舊聞拮拾寄清哦角聲秋晚九樓急

燈影春宵七塔多

宋時州城有蕃宣五雲堆玉綬帶等九樓定光開元神光安福等七塔

畫橋低亞箬篷輕酒市歌樓夾岸迎見說瑯琊繁盛日

三山城似闔閭城

蔣垣榕城景物考唐時羅城南關人烟繚錯舟楫雲排兩岸酒市歌樓簫

管從柳陰榕葉中出今安泰橋是其處也

裂土封侯爵已高偈強海上弄弓刀虞公近在終難致

枉負閩中四姓豪

謂陳寶應行春門外有虞公巷梁虞寄所居

乾符重嘯赤眉羣暴骨如麻到海濱保障鄉閭功不小

雄驍獨數九龍軍

謂陳觀祭巖

巖頭矢口謠終驗劍影甄文事竟神辛苦卅年賢節度

閉門應恨後來人

王潮未至時閩人謠曰潮水來巖頭沒潮水去矢口出劍影指拜劍躍地

事王氏薨城日令陶甄者印錢文其後地入錢氏人以爲先兆云

樂遊湖上奏清謳三昧花前曲宴留金鳳去來春燕到

可憐歌舞總無愁

樂遊曲陳金鳳爲王鏐製王昶於春餘設三昧宴見陶穀清異錄

八族衣冠集勝流冬郎垂老落閩州紅巾鳳蠟承平物

秋館無人拭淚收

韓偓卒後溫陵帥聞其家藏箱笥頗多而緘緝甚固啓視則皆其爲學士

時所得燒殘龍鳳燭及金縷紅巾百餘條見鄭文寶南唐近事

三清臺陞玉重重篤耨香燒曉露濃欲問寶皇舊宮殿

天明聽取九仙鐘

三清臺寶皇宮皆王民建今九仙觀即寶皇宮舊址中有玉皇閣鐘聲極

亮

一曲柔溪淺黛渟絕佳風日小蘭亭如何曾集羣賢地

寂寞雕鞍不更經柔溪在金錐山下相傳問越王無諸

弟嘗遊集於此各有詩小蘭亭在長樂山宋時郡守與

羣僚修禊處紫陌破清晨雕鞍映滿輪郡守王達句

乾元寺是治城基下有毬場毬場望宜廿九景隨春鮮暗

圖經空自記裴詩乾元寺唐時建晉為紹因寺木越王

治治山南唐刺史裴次元闕有二十九景次元為詩二十篇

春臺館裏藥花繁木亭前烏啼喧晴日街心連臂出

不從樂圃便西園三山志每歲二月府開西園與民遊

春館在西園欄木亭在樂圃

宣政長街萬樹榕年來無復綠陰濃炎天一舍麻溪路

到此應思夾道松

宋時通衢植榕爲樾綠陰滿城行者暑不張蓋蔡君謨爲郡守令諸邑於

道旁植松自大義渡直達泉漳人呼爲夾道松

鸞鵲蒲桃入漢官海郭村軸易愁空清歌採後園綳散

好把新絲繡范公

宋時福州有文繡局織繡供御男女雜作無別元閩海道知事范梈作閩

州歌述其弊廉訪使奏罷之

洞裏青猿去不回荔花空向野園開釣舟吟榻風流地

付與平人築夜臺

宿猿洞在烏石山麓宋湛郎中俞隱處有荔枝甚佳稱洞中紅荔枝影裏

安吟榻茵茵香中繫釣舟宋人林迥句今南城城外豹頭山是其舊處久已夷爲叢塚矣

江南橋水綠沄沄去馬來船戴火雲誰似松風堂上客

虛櫺面面引來薰

江南橋在亭江俗呼介前橋松風堂在天寧山下臨江中有來薰海月二

亭宋李忠定
公讀書處

澄瀾閣畔買輕輪千頃晴波碾濕銀為愛西湖勝從平聲讀

似畫不知身作畫中人澄瀾閣在西湖北岸

綠陰翠浪雨晴宜灩澦瞿塘想像時何限俊遊湖上客

高吟誰繼幼安詞宋安撫使辛棄疾遊西湖作金縷曲詞三闋詩上二句皆本詞中語

無錢卹望草堂成異代仍標宛在名也是傳高少清福

可憐烟水石堦平明傅山人汝舟擬於西湖開化寺旁築宛在堂招高石門偕隱後竟不果

今湖心有宛在堂乃國朝康熙初年所建

小艇平流刺短蒲東湖行過又南湖如今剩有浮倉色

不見熊兵跳雪珠浮倉山在東湖心熊兵橋在南湖北岸

綠筠書室詩沙

卷十

銀袍金絡綠樽隨盡說烏山六六奇何事獨尋桃塢路

要從亭畔讀曾碑

城中楚楚銀袍子來讀曾碑有幾人宋劉后村句道山亭近蟠桃塢

登高九日盡追攀畫榼銀箏買醉還老去未宜歌吹隊

烏山不上上屏山

九日登高烏石最盛九仙次之罕有至越山者

咫尺名山金積園仙人牀上坐來溫饒他跨鯉飛昇去

何似年年醉石樽

金積園仙人床皆在九仙山跨鯉何氏九仙事石樽越王無諸舊蹟

粉盞珠奩褪曉粧他時香塚枕前岡臘脂山似臘脂井

留與行人弔夕陽

臘脂山在城北相傳忠懿王郡王梳粧樓在焉陳金鳳李春鷺死皆葬此

甘露堂開春晝晴傾筐會裏集傾城緋桃素李皆羸俗

惟有清人樹最清

甘露堂闕王時建前有茶樹二株宮中人呼爲清人樹每春月設傾筐會

馬牧山前敵騎呼鯨吞蛇鬪日相圖斜陽戰坂秋風起
折戟沙中定有無王氏既亡李仁達自稱留後排軍使馬捷引南唐兵自馬牧山拔寨而入
戰坂在城北十里李仁達與南唐兵鏖戰處

天柱孤標入杳冥梁山深處駐仙靈空江雨歇明殘照
百六遙峰一色青天柱峰在方山葫蘆山一名梁山上
有五仙岩自方山至葫蘆山凡百六

峰十

登盤生菜綠絲柔又見銀幡曉上頭欲問今年年歲好
行春門外看春牛三山志立春前一日迎土牛傾城出觀以占農耕之早晚與歲之豐瘠

看場開處賞元宵墜履遺釵湧夜潮千點銀燈萬條燭

多應供照轉三橋舊俗元夕婦女從數橋上經過謂之轉三橋見謝在杭五雜組

瓜蓮勝會夏晴初到烹羊走里閭野老愛談釣龍事

錯將餘善認無諸

每歲六月中舉瓜蓮會祀閩越王無諸按舊記釣龍乃越王餘善事

隣霄秋夜乞熊祥金獸凝烟蕪異香歸路參差雲髻影

大航橋上月如霜

舊俗中秋士女登烏石山進香明陳薦夫烏石進香詞有隣霄高臺祠帝

女及熊祥乞歸碧霞館之句到任橋舊名大航橋

潮田雨熟早抽尖六月金洲落短鏹待到橙黃霜降後

占城炊作十分粘

稻早熟者曰金洲晚熟者曰占城

箋香臺畔送風箏萬里秋光碧落晴遠客乍看驚節物

重陽遮莫是清明

紙薦俗謂之風箏嘗於清明前後放之唐徐寅詩春風却放紙為薦是也

獨閩俗以九日節

箋香臺在烏石山

候近入梅先憚昇旬逢出液始成冬兩潮水到鳥篷集

四序花開翠館穠

俗以立夏後逢庚日為入梅芒種後逢壬日為出梅見五雜俎又立冬後

遇壬日謂之入液至小雪出液見稗史彙編

江滸早市上黃瓜馬甲乘潮作玉誇方法厨娘分付罷

雙瓶直益問藍家

黃花魚亦稱黃瓜即石首魚江瑤柱一名馬甲福州酒以藍家直益為上

紛綸海錯疏難稽飽送香杭勝露雞待得子魚通印上

銀羹玉鱠一時低

明林敏撰閩中海錯疏六卷唐李衆入閩謂鱖魚為銀羹水母為玉鱠

法雲白蜜舊知名長慶中冠

亦作中觀品更精閩要誇閩粵

誇粵莫將耳食錯題評

法雲寺白蜜長慶寺中冠皆荔品之佳者粵人誇粵閩誇閩次

第胸中我能審朱竹垞句

蔡譜何如徐譜詳紅雲社上列筠筐佳人休怨沙叱利

配與將軍十八娘

徐興公撰有荔枝通譜三十卷又嘗作荔枝會名紅雲社將軍十八娘皆

荔枝名

賣罷荔枝節又新紛紛餘果總非珍曉來忽聽唱龍眼

壓甌明珠也可人

唱龍眼語載周亮工閩小紀

海上朱萸最有名爛蒸飽啖比霜杭玉延玉糝雌同譜

只供山家骨董羹

朱萸俗謂之番薯

花務名花種種強不如末麗十分香棕籃滿貯樓前過

盡上奩臺助晚粧

舊有百花務在今花巷內昔人謂閩中果有荔枝花有末麗皆天下所無

斗室深深香氣濃素心蘭蕊幾盆供菰蘆一出都梁別

丰格多從夢裏逢

蘭亦類爲都梁香

春塘處處吠官蛙荔圃梅園翠影加數里忽疑行落箇

不知香樹是拋花

閩中呼柚爲樨五種地花白色似玉蘭其香酷烈諸花無與敵者

艾綠瓜瓢劖遠岑兩篇觀石錄璀璨貴人總愛田坑好

幽洞曾愁斧鑿尋

國朝高處士兆毛大史奇齡皆撰有觀石錄

乞得枯槎瘦石姿百年流落歎交離不知供向山齋後

拂拭泥塵更是誰

明許黃門天錫奉使安南於僧寮得枯木一片狀若峯巒歸供玩刺詩

其上後流落他所里人高景仙見之乞歸置齋頭名其齋曰木山同社作詩紀其事見徐氏筆精

閩山廟裏看燈回火齊冰紈滿案堆怪道臨風三弄好

開元寺買紙簫來

舊俗燈節神廟中各出珍奇故夢有閩山廟酬寶之語相傳開元寺紙簫

綠筠書屋詩鈔

卷十

甚佳品在
好竹之上

山川秀發從西晉科第聯翩自李唐鄉里至今誇巷陌

鳳池坊對桂枝坊

鳳池坊在城東爲宋狀元許將立桂枝坊在城西爲唐進士陳去疾立

深閨解說韓憑事下里能傳黃鵠歌西出迎仙北遺愛

兩行烏楔路旁多

省城貞節坊西
北兩門外最多

字格簪花戶戶能愛攜朱硯近聞冰蠶牋十樣愁難致

小幅隨宜赤岸藤

謝方伯肇湖謂吾鄉朱硯最多川學
不下百數圓冰小鏡名舊志載候官

赤岬出

薄藤紙

一灣流水隔紅塵榴洞桃源等避秦却惜藍超大輕率

周旋不及武陵人

榴花洞在東山相傳藍超
遇隱者處事見閩中實錄

慶城寺畔望翔鯤述德遺碑左殲存見說年年春節到

一丸泥向廟前掀

忠懿王廟在慶城寺左有唐于兢宋錢景二碑翔鯨祠觀古曹能始鵠王

廟句闕小紀載每歲迎春必於忠懿王廟前乞土作土牛始成

通文弊政永和同更遣傍人笑永隆光逸州卿黃峻謫

知幾誰似紫薇公

永和王鏐僞號通文王昶僞號永隆延義僞號延義既立黃峻口合非永

隆恐是大昏元年紫薇公不著姓氏避王氏之亂隱葫蘆山不仕有異術

藥鼎砂牀杳莫尋鳳邱舊隱白雲深神仙未必皆虛誕

尚有磨厓識鶴林

鳳邱山距城東五里許宋鶴林真人彭祖修煉於此有朱子鳳邱鶴林四

大字刻於岩壁

花間行印笑傳盃光祿風流實曠哉初地已隨賢劫換

不同壞滅有吟臺

光祿吟臺宋祁守程太卿師孟遺蹟在法祥院今為民居花間行印露沾

紙山下放衙雲
滿旗程太卿句

羣峰銜尾盡南馳聚作屏山一阜奇不信龍腰須護惜

請君立馬讀殘碑

龍腰即越王山之半蟠城外者舊有護脈巨碑見岡都記

啟聖門前望鬱攸蒼黃玉輦逐駕驚行人莫上梧桐嶺

樹樹先秋惹客愁

梧桐嶺距城北二十里許岡主昶避難至此遇害

薰風隴上眺烟鬟左相留題翠靄間不與趙家為福地

平山南去是匡山

平山距城東南三十里許宋少帝航海時駐兵於此有丞相陳宜中手書

平山福地四字刻於石薰風隴在其旁

萬壑東傾一與塘羅星塔正立中央柁樓風紉聽鈴語

遺事猶傳柳七娘

馬江羅星塔相傳宋時嶺南人柳七娘所建

滿天風雪半江湖金鎖磯邊繫短橈游鶴不爭雞鶩食

王伍辛苦遂相招

唐黃子野幼隨父賈杭州嘗於羅刹江拯王伍之溺後變姓名隱居方山

伍既貴遣人入閩物色於陽岐江上得之子野謬與爲約詰旦遁去事載晉安逸志滿天風雪用子野歌中句

船場迤北盡高原萬頃平疇仰澤煩寂歷十三橋水斷

惟看忠惠一渠存

井樓門舊名船場門十三橋宋懷安令樊紀造忠惠渠蔡襄所鑿皆在井

樓門外

龍澗數椽精舍好鼇峰幾架草堂新書能飽讀身能暇

此事還應讓古人

龍首澗在東山宋許文定將讀書處鼇頂峰在九仙山宋陳狀元誠之讀

書處

靈鷲庵憑鳥石高一區浮宅寄蓬蒿只孫楚楚朝天客

不及遺民舊布袍

靈鷲庵在鳥石山宋游汶罷官後居庵側汶不仕元自署所居曰遺民浮

宅常着一布袍自書其背曰遺民破衲

五虎門南震戰聲柏衙樓上絳烟迷村巫不道忠魂重

廟鼓鼕鼕醺白雞

柏衙廟在柏衙前祀元忠臣柏帖木耳女里俗傳會麻喇國王女事指為

白雞小姐

西陂別館碧湖旁小隊時時載玉觴國破家亡遺恨在

一池猶自屬平章

平章池在西郊亦名西陂元平章陳友定別業國破家亡死耳復何言友

語定

苦愛高人陳億翁桃花爲供葬花叢卽今一帶桃谿路

時復春歸見嫩紅

元處士陳億翁種桃千樹眠食不去遂葬其地今高蓋山桃蹊是其處

振衣亭前莎艸新湯院溫湯澣絕塵日斜約伴湯門去

待洗閑來清淨身

振衣亭在內湯院

枯木庵西五百寮晏師於此悟通霄如何遊屐松關少

祇較靈源百里遙

枯木庵萬松關皆在雪峯鼓山湧泉寺有扁曰通霄路神晏國師遺跡靈

源洞在寺左晏師舊嘗參義存於雪峯

卧雲燕月剩空名海眼依然水一泓石卵爆來今盡否

布金何處覓文卿

雪峯有卧雲臺燕月池諸勝謝在杭遊雪峯記稱義存示寂時留識謂石

卵爆盡吾道復興今爆十之九矣藍文卿長者舍田宅建寺今爲寺中伽藍

高峰劣削屢躋攀無盡門中僧話閑題刻最多傳最遠

半緣人重半緣山

湧泉寺第二門
額曰無盡門

忘歸石上酌深卮興發思裁幼婦辭忽記白雲滄海句

幾回擱筆罷題詩

眼中滄海小衣上白雲多明林秀才
世璧遊鼓山句一時稱爲絕唱忘歸

石在喝

水巖

茶園嫩葉揀春前官焙場開北苑先蟹眼試湯誰第一

欲招水遞致苔泉

茶園在東郭外宋以前造茶處蔡君謨守福州每日於龍腰取水烹茗手

書苔泉

二字

紅鹽青子脆含霜玉指頻拈近綠觴愛點新茶花殘底

餘甘添作口脂香

堆盤朱橘摘霜條細擘香柑坐淺宵莫爲杯多愁酒渴

有人燈下削輕消

輕消梨名見三山志

蠲暑深宜虎掌瓜勝煎銀鹿半巖茶怪來碧藕條冰似

新浸蘇公井水華

半巖茶產鼓山宋提刑蘇舜元於城中鑿井十二人稱蘇公井

玉魚金盃出空山弓鼻修髯識異顏不是英靈銷歇盡

欲傳真像向人間

忠懿王塚在蓮花峰明宣德初屯軍盜發下塚得玉帶玻璃碗及玉齒像

黃門墓在東山垂白簡青蒲天下知一死未同妻子訣

至今青史尚傳疑

明許黃門天錫嘗憤劉瑾之橫欲疏發其罪一夕縊死或云自經或云爲

瑾所害究莫能明其事

世忠祠古綠苔齊片石璘璠照赫蹏莫共烏衣論貴盛

一門風節似關西

世忠祠祀明林氏三代五尚書王提學世想爲碑記

天心亭外荻蘆秋桑苧園中草木稠十里淘江波上月

夜深多在水明樓

明林方伯壁天心亭在淘江鄭郎中善夫桑苧園在高湖陳孝廉薦夫水

明樓在義溪寒天草木稠鄭郎中自題草堂句

藤山南北萬株梅十里浮香壁月來付與詩人受清供

延曦閣上日銜杯

藤山有梅花塢十里皆梅明陳元凱勲家於此所居有延曦閣

細雨深林百里溪杜鵑啼罷竹雞啼年來我已成歸去

不怕前途滑滑泥

竹雞聲云泥滑滑

水次泉聲語自工十分傾倒有名公驚人佳句非無繼

宏獎風流事不同

一山在水次終日有泉聲陳鴻聽泉閣句最爲曹能始所咨賞

吟社蒿山十子俱石倉園更盛于嘯晉安騷雅綿綿在

壇坫還如舊日無

明正嘉間高激傳汝舟輩結嵩山詩社時亦有十才子之目石倉園在洪

塘曹能始別業

租璫園詩意太迂高軒新署補園圖莫論地主風塵少

此客能多邂逅無

明詩人沈野字從先本吳人曹能始延致石倉園題其所居室曰吳客軒

一生租璫自園詩能始嘲從先句

地稱高情多勝槩生存華屋憶風流月明好上天心閣

日午宜登塔影樓

天心閣在文儒坊明林兵部先春宅董侍郎應舉書額塔影樓在南營見

陸游老學菴筆記

海山兜律雨茫茫直爲泥洹較短長何似達人解觀化

預從漁海辨歸航

明林山人憲隱居古靈菴自作壽藏題曰漁海歸航

萬玉潭亭綠玉齋兩家園館占名皆琮琤細響宵通箔

羣壁繁陰午覆堦

萬玉潭亭陳山人過別業在義溪綠玉齋徐孝廉題書室在龍峰坊皆前

明人

紅雨樓通苑羽樓牙籤綳帙積山邱可憐萬卷隨風散

一一興公小印留

紅雨苑羽二樓皆徐興公勸藏書處與公聚書極富後皆散落人家往往

購得之并黃滿紙卷端鈴有興公小印

紅蓮紫竹橘籬秋盡道向書別墅幽四照四佳頽落後

不知何處是鍾邱

鍾邱固在鍾山傍明馬恭敏森別業中有四照軒四佳亭見恭敏自爲記

又恭敏有斑竹紫竹長成籬紅蓮白蓮香滿池之句

見說詩工能已癡不聞畫妙可醫人平生三絕霞居子

合與台州作後身

明高濂字宗呂自號霞客子詩書畫皆有名嘗為人作畫其人方思應見

畫霍然而愈事詳何喬遠名山藏

畫欄咫尺見嬌嬈井落金瓶恨未消孔雀回頭魚比目

多情總不及紅橋

明閔秀張紅橋詩人林鴻外室列朝詩集明詩綜皆錄其詩畫欄咫尺井

落金瓶摘川林張句

澄江楓葉清辭擅古墓梨花好句稀綠鬢泥中誰似汝

不須長羨范青衣

澄江楓葉老陳香初句古墓梨花鴉泥雨陳竹逸句二人皆許氏青衣又

有鄭蘭子一人俱能詩周櫟園朱竹垞極稱之泥中雙綠鬢徐文長句王介州有范青衣詩

門前潮水滙東西幾樹花開小院迷記否雙拋橋畔女

鴉頭十二髮初齊

明吳兆有榕城小妓奇奇歌詩皆用歌中語合潮橋俗名雙拋橋

鬆雲窄袖小舟拏解唱新聲楊白花郎生踏土儂踏浪

港北港南是處家

臺江有南北中三港踏浪不踏土坡公詩句

勝絕西峰舊草堂卅年小別徑全荒不須更說前賢事

眼底榮枯似戲場

西峰草堂在西峯里明曹能始故宅國朝乾隆初年同年陳大炳居此

極水木之勝余輩時時燕集其地昨今三十許年宅已易主漸就頽廢矣

六塘洋尾好林泉山鏡賓蓮迹未遷漫擬閒身來作主

惜無十萬買隣錢

六塘在洋尾園中有山鏡堂賓蓮塘諸勝

百洞山奇最後開青芝寺峻白雲隈此中有句留題少

待我閒攜硯墨來

百洞山在合其里明萬歷間董侍郎應舉始開得之上有青芝寺

宛轉橋南一水迴昔賢曾此闢蒿萊我家不隔鏡湖路

空對月華憶泊臺

泊臺在朱紫坊明譚方伯肇
湖故居傍有宛轉橋鏡瀾閣

奉題廵撫余公桐陰聽琴圖小像二首

段生昔善琴愛向松閒奏松聲挾風籟恰與琴韻湊三
者皆自然響發妙難究翠桐本琴材涼影散清晝理絃
就之鼓放泛越林竇瀟瀟疎雨過颼颼孤凰覲借問蔡
中郎何似松風驟

琴經秘不傳廣陵音已虧豈惟良工少識曲人亦稀揮
絃者誰子毋乃古穎師主人達琴理能作聽琴詩高山
與流水妙契入希夷請君續續彈曠世逢鍾期

爲友人題空空圖小影四首

圖作側面照大方
鏡就鏡中寫正面

鏡用兩美人捧之
傍掛寶劍一具

欲傳阿堵筆難親却借菱花爲寫真不是畫師誇狡獪
由來法報具多身

妍媸萬態看他人有限無由見自身三尺青銅是知己
此中面目認來真

跼蹐鑑井欠端詳問景空齋更渺茫肝膽輪囷冰雪似
正須秦鏡照毫芒

玉具金釵意氣雄晚叅道妙證圓通豪情減却風情退
併入空明一片中

題蔡梅坡封翁清秋染翰圖小像三首

驚館桐陰散遠青
烏絲闌就寫黃庭
右軍去後支流別
惟有端明具典型

冷金銀錠遍研摩
興到濡毫許換鵞
鵞鵝帖不隨松雪去
流傳墨本至今多

野鶩家鷄不用嗔
辦香膝下有傳人
蘭亭已重羲之蹟
又向官奴乞洛神

謂長公和
亭明府

題余松山主事小像四首

琅函繡罷作銀鉤
周鼓秦碑細校讐
除是景盧同贛父
世閒誰並此風流

金貂七葉盛文章
家集編成竹素香

中丞近刻家
集凡數種

嘉樹

樓頭春晝永

中丞著有嘉樹樓詩集

又看延壽賦靈光

閒來浣筆寫蘭筠露葉風枝意態真三絕書詩兼繪事
端應松雪是前身

香土東華颺曉風鳴珂他日控花驄罷朝應向鴉叉看
絕少紅塵到此中

顧太夫人九十壽四首

方伯錢湘尊先生之太母

魚軒輕穩翟衣新禁樞遙頒拜

紫宸

昨歲方伯入覲御賜

太夫人壽扁八座班行孫晉國層城名位魏夫人含飴爲喜

循陔近進酒時看介壽頻鳩杖藥鑪都不事便從九秩

祝千春

清和時節景初長，徽省張筵繡悅光。彩煥九樓瑤鏡滿，

太夫人四月望日生辰福耀騰雙塔，綵鳥翔餘杭。自足

仙人酒，肩壽重開舊日堂。藩署有肩壽堂是張魏公爲其母奉國太夫人建

是昇平豐歲兆，一犁新雨長針秧。

珠胎玉蕊定殊常，誕育名賢作棟梁。中外馳驅兼節鉞，
君親忠孝動班行。傳經自昔高韋母，脩職無勞助敬姜。
況有孫曾看繼起，庭蘭砌樹總芬芳。

幔亭仙曲記賓雲，鉤鉞遺聲此日聞。潘令軒輿非貴盛，
洛濱侍從太紛紜。熒煌寶婺家家見，煦嫗慈暉戶戶分。
翹首祝筵多喜氣，甘棠門外簇彤雲。

七夕二首

玉宇宵澄桂影新
天孫今夜欸天津
一年一會猶傷別
其奈多年判別人

東社殷勤望絳河
朱裳傳命竟如何
天孫不把人閒巧
自爲人閒巧更多

題陳觀察望之

淮玩松圖小像

藏春塢裏含香客
手種萬松密如簣
浣花詩老調韋侯
欲付鸞溪寫松石
畸人自昔具心賞
愛此蒼虬勢千尺
鬱律太陰貯雷雨
蕭騷遠籟散空碧
紛紛桃李漫華榮
大廈棟梁非所職
公才正似合抱姿
作屏上聲東南擋半

壁文章已推班馬手勲業好繼夔龍跡昔年佩印守羊
城襦袴歌聲傳海國今來持節莅閩越膏雨芄苗頌郁
伯清才肯令騷雅疎高情未與雲林隔三山南徼苦毒
熱夾道松陰今異昔夾道松蔡端明知福州日事安得寒濤瀉天半
一洗驕陽作涼夕知公胷有凌雲氣指點畫師潑濃墨
披圖突兀見龍拏毛骨生涼失炎赫慶雲威鳳想光儀
秋月冰壺觀顏色不須更踏雙松嶺雙松嶺在越王山謾謾清
風來座側

贈蔣觀察爲光允先生二首

西清三紀老詞臣半壁南天柱石身玉珮瓊琚傳述作

衣衣繡斧見經綸無諸城裏棠陰舊太武山邊黍澤新
賈董才華韓范業廟堂眞用讀書人

量比洪河氣似虹廿年閩嶠荷旂幪嶺南士盡師韓子
海外人欣識長公公嘗分巡臺灣每辱高軒臨陋巷新從函丈
坐春風鳴鸞不厭啁啾響得句還郵尺一筒

蜀東陳母李孺人節孝

紗扇纔披賦別離豈知龍劍合無期磨笄一死非難事
畫荻千秋有令儀丹穴已看雛鳳翥雲安猶聽杜鵑悲
他時東觀修彤史名並懷清已婦垂

題沈郡伯心齋維基松梅吟嘯圖小像四首

簿領寧妨翰墨幽衙齋吟賞足風流文章太守今誰是
合讓東陽沈隱侯

墨妙名齊米薛豪袖烏池黑未嫌勞文書判罷衙官散
預展蠻牋待引毫

帶將甘雨灑閩州齊楚烝黎頌未休丁字溪頭風月好

毫端收拾倚新樓

邵伯於署中構大觀樓賦詩紀之樓正臨城南丁字水

浴殿同傳內府餐廿年乖隔海天寬披圖青髮還如許
應共松梅耐歲寒

徐州牧筠亭

時作八十壽

循良舊譽動纓簪白石清泉愜素心陶令琴樽三徑淨

偉長著述六經深壺中日月朝還暮洛下耆英昔祝今

好繼鄉邦人瑞老

明程番守林春澤年百有餘歲稱人瑞翁

長春圖卷重璠

琳

州牧彙朋遊投贈壽言爲兩卷題曰長春圖卷

題陳觀察望之小像四首

燕寢凝香意自清平泉花木正敷榮如何却愛江頭坐

智水仁山有性情

雲帆煙渚泛虛空五宿澄波皓月中

二語本香山泛太湖句

千古

風流誇曰傅猶嫌旗影閃青紅

太湖詩又有避旗飛鷺翩翩白之句

兩頭簫管徒喧闐千里舳艫漫侈雄誰似我公清絕處

一甌春茗坐烏篷

閒中凝思靜中看渺渺空波點點巒濠濮曾襟湖海意
一時描寫入毫端

題黃明府心庵同年課兒圖小像三首

香草齋深重去聲掃除高梧修竹影扶疎柴桑歸後無餘
事散帙時還讀我書

辛苦龍洲種木奴何如韋相一經迂課兒圖是傳家訓
好配樓家耕織圖

快馬蟾蜍莫用疑封胡遏末總英奇阿翁賸有金針在
不度兒曹更度誰

奉送巡撫余公入覲二首

袞衣銜命撫嚴疆六載風清節雨暘戀闕每懷溫
室樹趨朝重近御爐香

主恩稠疊勤三接褒詔爛熳捧十行便似嚴公向丹

地殊榮出入冠纓裳

少陵送嚴公入朝詩閣道通丹地又詩三朝出入榮

嚴裝佇俟詔書臨直爲傾葵一寸心玉帳風高秋度
嶺紫城寒重曉端簪抗懷開濟神彌健造膝敷陳語自
深預數來期候歸騎南枝梅發越山岑